

DE  
**FUMATIONE HERBAE NICOTIANAE**  
RESPECTU  
**DIÆTETICO-MEDICO.**

---

**DISSERTATIO**  
**INAUGURALIS MEDICA**  
QUAM  
CONSENSU et AUCTORITATE  
MAGNIFICI DOMINI  
**PRAESIDIS ET DIRECTORIS**  
NEC NON  
CLARISSIMORUM DD. PROFESSORUM  
INCLYTAE FACULTATIS MEDICAE  
IN ALMA  
AC CELEBERRIMA REGIA SCIENT.  
**UNIVERSITATE PESTHANA**  
PRO  
RITE OBTINENDO  
**MEDICINAE DOCTORIS GRADU**  
PUBLICAE DISQUISITIONI

SUBMITTIT  
**Marcus Zuckerkandel,**  
GALICIANO-ZLOCZÓWIENSIS.

*Theses adnexae publice defenduntur in Palatio Universitatis  
minori die Febr. 1843.*

---

IPSESSIT.  
TYPIS JOSEPHI BEIMEL.

Receptae consvetudines temere non abrogandae, sed lenta tantum festinatione sunt deponendae.

*C. Frid. Tempel.*

Der erhabenste Beruf des Menschen bleibt doch der: Priester der heiligen Flamme des Lebens und Verwalter der höchsten Gaben Gottes, und der geheimsten Kräfte der Natur für das Menschengeschlecht zu sein, das heißt Arzt zu sein.

*Hufeland.*

## Historia fumationis.

---

*Nicotiana* Tabacum (Germ. *Tabak* Hung. *dohány*, Gall. *tabac*) planta Americae meridionalis, in Europa culta, nunc totius terrae incola, apud nos annua, in America perennis (ad pentandr. monogyn. L. ad Solaneas I. pertinens) respectu diaetetico et medico celebrata; imprimis respectu priorì forma fumationis, sternutatorii, masticatorii per universum orbem in usum et abusum trahitur.

Cum Hispani primo novam terram petiissent, nicotianam ab inquilinis in usum vocari quidem experiebantur, ast applicatio eius magis restricta, tantum qua remedium efficax in impetiginibus conservabatur. Incolae Americae nominabant nicotianam *Petum*, Hispani *Tabaco*, quia monachus Hispanus *Pane* hanc plantam 1496 in Domingo et provincia *Tabaco* primario cognovit, et ab eo tempore eius civitatis ius obtinuit.

In exordio sacerdotes fumum nicotianae inspirabant, sub certis rerum adjunctis in peculiaribus ceremoniis religiosis, diebus sacris et festivis, ad efflatum aliquod memorabile eru-

endum, futura vaticinanda, ad omen malum avertendum, ut fumo narcotico inebriati facultates mentis incitentur, cerebri functio exaltetur, quod fini praefixo saepius respondere potuit. Inspiratio fumi, nares faucesque vellicantis, paulo post per plures nacta est imitatores, ita ut in patria ipsa usus eius mox super totum populum diffunderetur. Inductioni eius in Europa magna et gravia obstabant impedimenta, partim obstinulum inconsuetum, quem fumus hic excitabat, partim ob malam eius praeparationem, nam moderatus etiam usus anxietatem, exstimulationem et ebrietatem vertiginem excitabat ita ut tabaca unanimi consensu qua venenum periculosum declararetur. Ideam hanc non tantum in Europa verum etiam in Persia, Turcia concipiebant, et illi qui nicotianae alium, ac medicamenti usum fecisset, amputationem nasi, quin ino paenam mortis minabantur. Circa 1560 conabatur ablegatus gallorum Jean Nicot, (nude nicotiana) usum diaeteticum nicotianae inducere, et redux Hispania reginae Mariae de Medicis exiguam quantitatem Tabacae pulverisatae dono obtulit, et ab eo tempore nomen *poudre à la reine* se conservat. Gallia non multo post usum nicotianae diaeteticum sub magno tantum vectigali concessit, ast mox alii status lucri cupidine seducti invectionem tabacae et venditionem eius sub certis conditionibus admiserunt, sicque factum, ut planta haec alacri passu in toto orbe terrarum seminata, culta, ususque eius de die in diem<sup>9</sup> ingravescat. Ante fumationem Europeis nimis molestam, pulveris tabacae naribus attractio consveta fuit. Fumigationem anglus Raphaelengi in Virginia didicisse, atque Europeis communicasse perhibetur. —

Quod fumationem attinet, haec tam alacri passu brevi tempore per totum orbem disseminata fuit, ut nullus articulus luxu maiori celeritate propagationis gloriari possit. Prima fumatio sat molesta fuit, vas aliquod amplum tubo provisum tabaca repletum accenditur, serius exsurgit appara-

tus proprius qui ad hodiernum diem senet conservavit modificationibus infinitis, cum autem apparatus ille partim immeris defectibus laboraret, partim ob pecuniae parsimoniam ab omni et singulo praesto haberi non potuisset, exsurgit modus nicotianam in substantia, h. e., in formam cylindraceam convolutam — *Cigarro* — fumandi, ita ut mos e fistulis et cylindros fumandi; eodem fere tempore eadem celeritate ex America Hispaniam, inde Germaniam mignaret —

## Phytographia.

Planta haec folia gerit ovato lanceolata magna integerrima nervosa subundulata, lacte viridis glutinosa, utrinque pilosa, sicca ex flavo viridis, caulis est herbaceus perpendicularis, tres-quinque pollices altus tomentosus; inflorescentia pallide rubra, calix monophyllus, tubulosus, quinque-partitus permanens; corolla rosaceo rubra, infundibuliformis, stamina quinque corollae adnexa, fructus fuscus, oblongo ovatus capsularis, quadrisepatus, quatuor valvis dehiscens, polyspermus. Semina fusco reniformia parva placentae adfixa. Folia siccata sunt fusco-flava in statu recenti odoris virosi, saporis acris, amari uauseosi.

Partes constituentes: secundum Hermbstaedt sunt: nicotina efficaciae mater. Est autem *nicotina* oleum aethereum concretum proprietatibus Camphorae accedens, crystallisabile, facile volatile, odoris aromatici tabacae mixti, saporis parum amari, aqua non, spiritu vini et aetheribus facile solubile, uariis admotum sternutationem excitat, ad gramum interne absuntium vertiginem animi deliquium vomitiones facessit porro principium extractivum, gummi resina, albumen vegetabile, substantia vegetabili — animalis, albumini similis acidum malicum, et sales complures.



## Proprietates pharmacodynamicae.

Actione hujus plantae symptomata duplicis generis a narcoticis, et acribus induci solita se manifestant, ita ut una super aliam imperium haud teneat. Virtute sua acri sphaeram vegetativam organismi, imprimis systema lymphaticum organa muci secretioni dicata, et organa uropoetica, minus eundem externam afficit; itaque secretionem et resorptionem promovendo solventis intensi instar operatur. Principio suo narcotico (nicotina) systemati nervoso insidias struit; Memorabile phaenomenon a *Hertvig* et aliis observatum est, quod vitalitatem cordis et arteriarum adeo deprimat, ut intra min. ad 38, usque 27 pulsus restricti fuerint, respiratio tarda et laboriosa evaserit, anxietas in praecordiis cum propensione in animi deliquium alternaverint, musculorum torpor ad apresim accedens ortus fuerit. Ex his itaque patet, actionem nicotianae inimicam, in medullam imprimis spinalem directam esse, et in specie in partem eius motui dicatam.

Mutationes, quas nicotiana interne absunta provocat, sunt animi deliquia, vomituritiones quin imo ipse vomitus, ardor in faucibus et ventriculo, colica, diarrhoea augmentum secretionis renalis, vertigo intensa, pectoris oppressio et anxietas cum propensione in animi deliquium; pallor faciei, frigus extremitatum, tremor spasmodicus, parvus debilis tremulus intermittens, pulsus, paralysis musculorum voluntariorum, spasmi clonici artuum, quin imo mors per apoplexiam.

Nicotiana quacunque via organismo inferatur, noxas enumeratas inducit, celerrime, si organis circulationis per infusionem communicetur, proxime per injectionem in bronchia, per superficiem vulneratam, vel exulceratam, per inspirationem et per injectionem in anum forma funi.

Et certe summopere mirari licet, quomodo vegetabile, in exordio summe detestatum, venenum periculosum, consuetudine objectum individualis necessitatis fiat, cuius abstinentia hominem ad eadem patranda facinora, ac defectus alimenterum invitat; et hoc non tantum de cultis verum et de barbaris valet nationibus; hinc videmus, consuetudinem inveteratam, mala gravissima elidere, hominisque alteram evadere naturam.

Ut bonam et adversam nicotianae tabacae partem exactius perspiciamus lustrare hic optimo loco erit, circumstantias et adjuncta sub quibus, si tabacae usum diaeteticum instituere praeplacet, eam citra minimum sanitatis detrimentum adsveti perferre poterunt; praescindendo a contranaturali stimulo, qui certe hominem ad sugibulum arripiendum minus invitat, ac neonatum ad papillam mammae capiendam, et altum tenens silentium de consuetudine mala de die in diem magis magisque ingravescente, hac occasione maxime mihi incumbet eruere contraindicationes, quibus neglectis serius ociusve sanitatis labes variaque consecutaria arti rebellia inducentur.

Supra memoratae sequelae a nicotiana serius ociusve caput efferent pro diversa specie bonitatis tabacae, pro diversa eius aetate, pro diversa hominis constitutione vitae ratione, diverso diei tempore quo tabacum capimus, denique pro varia ratione et modo applicationis.

I. *Quod bonitatem attinet*: haec non tantum a solo et climate verum etiam a diversa eius praeparatione dependet. Bona nicotiana crescit in solo arenoso et laxo, optimae tamen qualitatis in America, utut non nullae varietates Europam, in specie Hollandiam non respuant. Sit herba matura, quae dignoscitur ex maculis et punctis flavis hinc inde occurren-

tibus ex ariditate foliorum; legantur primo infima, serius media, ultimo summitatem occupantia, interjecto diverso temporis intervallo, ob diversam earum maturationem. Folia in fasciculos collecta incalescunt, sudant, quem processum sustentare expediti tandem siccantur singulatim, ad dolium locantur, solutione salis communis consperguntur, per aliquot annos conservantur.

Antequam nicotiana in usum communem impenditur, variis modis praeparatur, ex quibus maceratio nostram meretur attentionem.

Scopus macerationis est, nicotianae odorem et saporem acrem et nauseosum corrigere, eam conservabiliorem reddere, et qualitatem ei conciliare, ut absque flamma conflagret, vel ut resolutio et fermentatio impediatur — Bonae qualitatis herba colorem ab eo plantae siccatae multum differentem non habeat, nec sit coloris rubroflavi aut lacte flavi, aut sulfurei, aut nigri; puncta metallica micantia non ostendat, absit ab ea odor balsamicus, aut resinosus, tritus linteamine albo mundo nulla relinquat vestigia alienius coloris — sub combustionem non detonet, nec scintillas eliciat, sed aequaliter conflagret. Sub fumatione non excitet nauseam, vertiginem, anxietatem, absit ab ea sensus ustionis aut punctio- nis in lingua sapor dulcis, quam maxime vero metallico — dulcis; nec sub fumatione nec masticatione linguam sapore amaro aut nauseoso afficiat, tracheam non constringat, imo per nares expulsus fumus sternutationem nec assuetis moveat. Quo subtilior, albior, levior, nominatim — in Cigarris — quo cohaerentior cinis, quam nicotiana sub conflagratione relinquit, eo melior species, etiamsi haec qualitas non semper bonitatem, maturitatem foliorum certo testabitur. Fumus flagrantis nicotianae debet esse caeruleo albus non sit cretaceo albus, aut nigro fuliginosus nec oculos in lacrimatio-



nem conjiciat. *Nicotiana nervis* spoliata levior sanitatque minus infensa est, quam costata; grosso modo concisa, quatenus lentius conflagrat, sanitatem minus laedit, ac tenuem in modum comminuta, citius urens.

Quod macerationem attinet, nonnulli ejus modi innocui sapor, odorique adulantur, sanitati insidias haud struunt, v. c. maceratio malae speciei cum decocto coffeae, complures autem valetudini infensi vitam etiam praecipites agunt. Magnis saepe premittitur difficultatibus diversas tabacae macerationes et vulgo *sauceen*, quas communiter scopo meliorandi olfactus et gustatus adhibent, detegendi. Communiter constant ex salibus alcalinis et metallicis, sale ammoniaco, urina, nitro, mercurio sublimato. Sales alcalini et ammoniacum in nicotiana facile deteguntur; nam decoctum eius chartam Fernambuk violaceo, chartam exploratoriam curcumae fusco signat colore; decrepitatio intensa insignem nitri notat quantitatem admixtam. Sulfur, plumbum cuprum, alumen etc. excepto ultimo liquore probatorio Hahnemanni, aliisque notis reagentibus innotescunt.

Innocuae adulterationes nicotianae sunt: folia betonicae, juglandis regia, meliloti officinalis, *Tiliae*, tussilaginis farfarae, vaccinii myrtilli, rosae centifoliae, heliotropi, cerasi nigri et rubri, herba solani tuberosi.

Summe noxia vero est admixtio foliorum *Bella donnae*; *Hyosciami*, stramonii, opii, herbaeledi palustris. Ut nicotianae oclorem ab exotico non ablutentem concilient, principia quaedam tinctoria mercatores praesto habent, quae plus minusve nocent: argilla rubra, haematites s. oxydum ferri flavum et rubrum, bolus, pulvis tegularum ustarum, creta, fuligo (Kienruß.) Magis noxia sunt: ciunabaris sulfur, atramentum, auripigmentum, lignum campechianum, an-

timonium, vitriolum ferri. Sequelae hujus adalterationis sunt intoxicatio, quae vario modo pro diverso alio, in quod nicotiana suscipitur contingit; sub fumatione imprimis organa respirationis lingua nares afficiuntur, venena videlicet haec calore volatilisata, in organa dicta recipiuntur; masticatione salivae oris mixta, soluta, absorbentur, vel plane cum eadem deglutiuntur. Ex his respectibus nicotiana quocunque demum titulo, quacunque forma adhibita sanitati insidiari debet. Status bene organisatus respectu medico politico, fabricatores sub vigili oculo habebit, ut eiusmodi adulterationibus frenata arcta ponantur —

II. *Quod aetatem hominum, usum nicotianae capientium attinget*, plantam supra descriptam necessitudinibus humanis non tantum non convenire, sed iisdem plane contrariam esse sanitatemque ejus usui periclitari, omnis perspieiet. Ad luxum pertinet cui prohi dolor! homines, sicut et aliis inanibus et fucis facillime assveseunt, consuetudinique semel inductae libenter indulgent. Effectum primum exserit in cavo oris, secretionem salivae auget, fluidum videlicet ad digestionem necessarium, dispenditur hac ratione chylicatio, assimilatio et nutritio turbantur; porro debilitat et in statum paralytico accedentem conjicit organa digestionis, sensum olfactus, gustatus, et visus vi sua narcotica.

Usus nicotianae imprimis aetati puerili et juvenili severe interdicatur, hac enim aetatis periodo evolutio corporis universim perficitur, imprimis sensus laetissima capiunt incrementa. Et experientia quotiadauna edocemur, periodo vitae maxime activa activitatem vitae omnem subruere incrementum detineri, atque maciem hallucinationesque sensuum induci. Si itaque non succedit generationem nostram adultam a consuetudine altam in organismo radicem iam figente revocare, ad minus omni virium intentione conari oportet, ut ju-

ventutem immaturam ab hoc malo quo ocius avellamus. Proh dolor! non inconsuetum est, videre pueros in plateis cum cigarro oberrare. Cur non miramur, juventutem nostram semper debilitari, enervari, praematuramque senectam adduci? Causa certe in nos redundat, estque educatio mollis sprete moralitate, libido, illecebrae sensuum, speciatim hac aetate non satis damnanda fumatio. Ast vitium raro solitarium, frequenter aliis sociatum incedit, unumque alio amicas porrigit manus. Fumatione cavum oris siccius redditur, sitis incitatur, aqua vero et lae siti huic narcoticae fallendo minime respondent, hinc juvenus praemature in potibus spirituosus refugium quaerit. Effectus itaque fumationis in juventute est dispendium temporis, vis, sanitatis et — pecuniae. Educatoribus itaque, moderatoribus, parentibusque non satis inculcandum, ut filiolos suos a consuetudine perniciose fumum nicotianae sugendi desvesfaciant, ne hac ratione evolutio physica et psychica in summa activitate constituta obruatur, systematisque nervosi vis et alacritas pessumdetur; hoc vero tunc tantum impediri poterit, si in educatione lumen rationis super malas irradicatas consuetudines victoriam reportaverit — Si tabaca hominibus concedatur, tantum aetati virili utpote summa virium physicarum et psychicarum perfectione praeditae convenire potest; non reticendum tamen, eam in abusum tractam, mala supra enumerata varium in gradum inducere. Nam etiam post plenariam organismi evolutionem, excedens fumatio nociva esse debet ob eum fumatione continuo conjunctam majorem irritationem membranae mucosae cavi oris, quae successive ulterius dominium suum propagando, organa respirationis digestionis lacessit etc. — Senectuti quoque herbam hanc non convenire, enique patchit; nam aetate hac et vita psychica et physica ex sua perfectione sensim sensimque deperdunt, congestiones versus caput praesentes per immoderatum nicotianae usum adhuc magis sustentantur, sicque vis nerveae per excessivum stimulum

exhaustionem sequi debere neminem fugiet. Cum itaque senectuti fumatio ex dictis respectibus non competat, et a consuetudine per amplam annorum seriem inducta, aegre recedat, fumationem ad unam fistulam restringat. Multi instepraetendunt, fumationem et masticationem tabacae, dentibus nimis infensam esse, in specie autem cariem dentium inducere. Cum ex actione supra dilucidata pateat, eam narcotinorum instar organa digestionis debilitare, cariemque dentium ab organis digestionis debilitatis plerumque originem suam repetere, asserto dicto magnus accedit valor, utut non rarum sit, videre fumatores solertissimos, aetate tali, ubi dentes excidere solent, dentibus sanissimis instructos. A ratione non abhorret, quod in organis digestionis secus debilitatis, fumatio cariem dentium acceleret; possibile quia imo probabile quod fumigatio aetate juniori, ubi organa digestionis in pleno gradu evolutionis nondum constituuntur, cariem, maturamque dentium excisionem inducat. Memoratu dignum, quod in morbis, nominatim febrilibus, adpetentia fumationis in hominibus huic consuetudini iam dudum libantibus, non secus ac desiderium cibi potusque, prostrata sit. Reversio appetentiae alimentorum, desiderium quoque fumationis involvit, et sicut ex appetitu vigente vel infracto ad sanitatem bene procedentem legitima conclusio, ita quoque ex avida umbis densae at tractione et expulsionem ad functiones rite procedentes arguimus. Itaque convalescenti fistulam avide cupienti in plerisque casibus, non secus ac potum et cibum non abnegemus. —

III. *Quod constitutionem fumantis attinet.* Usus nicotinae hominibus firmae valetudinis, validae constitutionis, sanis vegetis, nulla manifesta diatesi, speciatim organorum respirationis instruetis minus nocebit. Individuis vero quae vel minimum in respiratione impedimentum persentiunt, sive hoc fiat ex deformitate thoracis vel structura vitiata otius pectoris, dispositione ad phthisim hinc pullulante, sive



malis asthmaticis obnoxii sunt, aut quod pulmo ipse fomite aliquo morboſo actu laboret; fumatio cane, angueque pejus vitanda. Nam praescindendo a noxia qualitate fumi narcotico-acris, nervos organorum respirationis membranamque mucosam aegre afficientis, ipse processus suctionis, qui sub fumatione locum habet, pulmones nimio opere irritat, majorem ad eos sanguinis adfluxum sollicitat, tussim frequentem respirationisque difficultatem concitat, quae omnia fomitem morboſum secus latitantem ad plenam maturitatem sensim sensimque perducunt. Hominibus in mucositatem proclivibus, febris mucosa laborantibus usus nicotianae interdicens. E contrario constitutionibus fibra rigida insignitis atque in huius sequelam obstructionibus constipationibusque laborantibus, fistula tabacae per diem egregiam praestabit utilitatem, Caveant homines constitutionis debilioris, in maciem inclinantes ab usu diaetetico huius plantae, e contra individuis obesis in adipositatem proclivibus, ex supra fatiſ momentis libentius ccedatur. —

IV. *Quod vitae rationem concernit.* Haec certe ad decidendam litem, an individuo huic vel illi usus nicotianae citra sanitatis detrimentum concedi vel denegari poterit, maximi momenti est. Homini vitam laboriosam, somaticis tantum occupationibus intento ducenti, in aere puro libero rurali dies noctesque agenti, victui simplicissimo laute tamen nutrienti asveto, prae alio citra manifestam sanitatis labefactionem fumatio indulgeri poterit, quin imo in atmosphaera humido-frigida, nebulosa, paludosa egregium ad arcendos nonnullos morbos constituet prophylacticum. E contra hominibus ad spatium angustum quatuor parietibus limitatum reclusis ubi aer exhalationibus diversae originis scatet, illiusque renovatio aegre succedit, minime conducet fumus nicotianae. Et recte eruditi, scribae, opifices aliquae vitam sedentariam ducentes, hac consuetudine detinentur. In iis qui quatuor pa



rietibus recluduntur, adhuc aliae adsunt circumstantiae in fluxum noxium in organismum exercentes. Aer enim in cubili reclusus per subtractionem principii vitalis corrumpitur, oxygenium quippe imminuitur, gas acidi carbonici et azoï copia augetur; accedente nunc fumo intenso nicotianae aer adhuc magis inquinatus, corrumpitur atque ad respirationem perficiendam ineptus redditur. Gas irrespirabilia activitatem pulmonum exhauriunt. Nam pulmonibus inest stimulus peculiaris ad appetendum aerem atmosphaericum, seu fames ad capiendum aerem, non secus ac ventriculo inest sensus ad appetendos cibos; necessitas vero aerem attrahendi in pulmonibus ita intensa est, ut hinc quacunque demum ratione satisfacere conemur, consequenter aerem etiam mephiticum, corruptum fumo inquinatum attrahunt. Ast pulmones non secus ac ventriculus *neusea* sua laborant, et ideo symptomata inde *orta* in effectibus suis satis conveniunt. Pulmones itaque ex tali aere partes tantum summe necessarias assumunt, libera eorum evolutio impeditur, volumen eorum proxime restringitur, et in huius sequelam textura rigidior et firmior evadit (hepatisatio pulmonum) oritur, vis itaque organica sensim sensimque contabescit, et morbi proprii, qui non secus ac phthisis pulmonalis summo vitae miuantur periculo caput extollunt. Omnia haec eruditae, scribae et opificibus, qui utique in affectiones organorum respirationis quam plurimum inclinant, facillime contingunt (partim ob vitam sedentariam cum eaque conjunctum situm violentum compressum, artum positionem praeternaturalem) et, quidem eo certius, si aerem laboratorii utique variis exhalationibus inquinatum, adhuc fumo nicotianae repleverint. Huic itaque vitae conditioni fumatio admodum in laboratoriis suis minime respondet. Nicotiana adhuc ex alio respectu eruditae damnanda, quia etiam in hominibus hinc stimulo iam assuetis cerebrum excitatur; qui itaque facultates mentales intendit, illius utique cerebrum in statum irritationis et exaltationis conjicitur, accedente

nunc stimulo artificiali, ad quem nicotianam iure merito relegamus hunc veneni positivi instar agere h. e. cerebrum in statum hyperstenicum, seu incitationis exaltatae conjici debere, huius autem sequelas encephali celeriore consumptionem et paralysem seu torporem facultatum mentalium comites habere neminem latebit. Aliud adhuc motivum cur juventuti imprimis studiosae usum nicotianae subtrahamus est, vita sedentaria cum eademque necessario conjuncta, organorum digestionis debilitas. Herbam hanc inimica ratione organa digestionis afficere, antequam effectus posteriores quos nicotiana in organismum humanum excierit, nobis inotescerent, perspeximus. Effectus hic non immediate manifestus fit, sed subdolo modo et lente tantum vi organorum digerentium insidiatur. Quantis periculis minetur tenerae in evolutione progressiva detentae juventuti, ex supra dictis cuique illucescet. — Denique fumus nicotianae organo organismi nobilissimo utpote visui summe infensus est; cum vita enim sedentaria functio visus communiter intenditur, oculusque in statum nimiae incitationis conjicitur, fumus litteras oculumque intercedens irritationem et cogestiones auget (quod firmatores in frequenti lacrymatione, oculorum obnubilatione sat frequenter experiuntur) hac ratione functionem visus sensim pessumdari, debilitari, sicque amaurosim, cataractam invitari experientiae quotidianae non refragatur, hinc minime miramur, cataractam Hungariae flagellum exitiale esse. Hi sunt effectus irritationis exaltatae, luxus enervantis, depravataeque consuetudinis. His malis large diffusis cum debilitatibus et paraesibus tam corporis quam mentis saepe terminandis, nihil magis opitulatur, quam vitae ratio legibus naturae conformis.

V. Quod denique diei tempus, quo usum nicotianae citra minimum sanitatis detrimentum capere licet attinet. Fumationi maxime respondent intermediae diei horae — bene memores

effectus universalis nicotianae, quacunque demum forma adhibita — narcotico stimulantis. Mane jejuno stomacho caveamus vel fumare, vel masticare, aut pulverem naribus attrahere. Primum et secundum non, ideo, quia ventriculus jejunus ut in activitate constituatur et maneat, excitationem aliquam materierum subigendarum et digerendarum ingestione tantum explendam exigit et exigere debet, si vires organorum digestionis in debito tenore conservare volumus. Fumator incarnatus utique primum dum oculos aperit fistulam suam quaerit, huiusque stimulo ita assuetus ut, si hic illi subtrahatur, consecraria periculosa post se trahere possit. — Ante decubitus aut vespera sera aut plane in ipso lecto fumatio interdicens. Ex actione enim plantae huius supradescriptae patet, eam intensam excitationem sensuum et cerebri comitem habere, hac ratione somnus pacatus et salutaris ad vires interdum detritas restaurandas turbatur; et si consuetudine tales turbae elidantur, sensibusque minus pateant, lapsu tamen temporis nocere, consecrariaque mala post se trahere debent. Neque post sumtum prandium fumatio conducit. Multi huic consuetudini perniciosae indulgent, asserentes, nicotianam digestionem promovere, motumque peristalticum ventriculi incitare, licet sub eius usu vertigine, sensu inamoeno anxietatis afficiantur. Ast falso ex principio; nam ventriculus post assumpta alimenta utique in maiori activitate constitutus per tale aditamentum adhuc intensius incitatur, non absimili modo, ac si aromatica, potusque spirituosi qua bellaria ei oblata essent; stimulorum autem abusus debilitatem excipere, neminem latebit. Horis itaque mediis ante meridiem et postprandium usus nicotianae minimis stipatur consecrariis.

VI. *Ratio, modusque quo nicotiana adhibetur.* Varium in modum, nicotianam usurpant, aliqui fumant, nonnulli eam masticant, magna pars pulverem naribus attrahit. Cum ta-

men obiectum meum sit fumatio, reliquos modos brevibus attingam.

*Masticatio tabacac* in humido-frigida atmosphaera in alto mari suas potest habere praerogativas. Nonnulli praetendunt eam esse plane eximium prophylacticum contra morbum maritimum et scorbutum. Ast qualitates hae magis precariae sunt; nicotiana membranam mucosam cavi oris stimulando, secretionem uberiores, humorumque dispendium post se trahit; porro saliva principio narcotico scatens deglutita, et in ventriculum delata in non assuetis vomitum, tremores, omniaque supra enumerata phaenomena inviare potest. Membrana mucosa linguae cavique oris per continuatum nicotianae stimulum in paresim conjicitur, gustatus debilitatur, et in hujus sequelam digestio patitur.

Ex speciebus ad fumationem quam maxime qualificatis memorari merentur: 1-o *Varinas*, sapore amoeno, odoreque subtili, aromatico insignita ast nimis stimulat. 2-o *Virginia*, eximiae quidem bonitatis, ast nimis narcotica. 3-o *Portoriko*, *Oronoko*, *Logayea* et *Brasiliaca* herba, ad nobilissimas et carissimas pertinent species, suntque insignis efficaciae. 4-o *Turcica*, amoeno gaudet aromate, linguam minus afficit, insigniter inebriat. 5-o *Hungarica*, *Polonica* acris est, insigniter narcotica, Species viliores sunt *Norinbergensis*, *Hanauer*, species plures plerumque in Germania septentrionali coluntur. Hungaricae species praecipuae sunt: *Lettinger*, *Csetneker*, *Verpéleter*, *Debröer* — Miscelam bonam largitur unapars Portorico cum duabus *Varinas*. Odor saporque omnis speciei nicotianae insigniter emendatur per humectationem cum decocto coffae.

Si effectus a nicotiana induci solitos colligamus et rite perpendamus; actionem huius plantae cum ea potum spiri-



tuosorum in multis concordare expriemur, consecraria tumque deducimus, homines huic consuetudini indulgentes multo citius succumbere, quam usui potum spirituosorum. Memorabile, quod fumator consuetudinarius, omnibus effectibus nicotianae succumbat, si aliam speciem quam assueverat fumet. Sunt homines fumationi cylindrorum bonae et intensae qualitatis asveti, qui musculorum distorionibus afficiuntur, dum aliam leviolem degustant speciem non assuetam. Hinc patet opinionem Dris. Sachs nicotianam sanitati indifferentem esse asserens, summe erroneam esse.

*Quod fistularum usum attinet.* Praeter noxas generales supra enumeratas ab usu nicotianae haud revellendas, sanitatem adhuc in periculum adducere poterit mala inconueniens qualitas, immunditiesque fistularum. Quod qualitatem fistularum attinet. Parantur, hae ex diversissima materia; consuetae sunt, argillaceae, lignae et ex spuma maris; obducuntur interne lamina stannea, plumbea cuprea, ferrea; mununtur cupro aurichalco, argento etc. Ast metalla haec tabaco oxydantur oriunturque sales plumbei, aerugo, sanitati perniciosi. Similia minantur pericula dum homines insano consilio fistulas receptaculo plumbeo (sine mucum ex tubo et fistula defluentem colligendi (vulgo Abgüsse) provisas usitant. Sugibula quoque malis nonnullis ansam dant. Sic dum massae firmas solidas non vero appendici elasticas insident, sub motu improviso v. c. sub lubricatione, equitatione graves nonnunquam excitant laesiones. Sugibulis denique iam usutatis quoties non contagia in specie syphiliticum aliis communicatum, evolutionique ulceris syphilitici ansa data? Fumatori cuilibet incumbet, ut fistulam suam frequenter mundet in quem finem proprii etiam excogitati sunt apparatus. Relative minimum nocet fumatio ex fistulis porcellaneis aut argillaceis, intus nulla materia peregrina obductis, tubo amplo longo provisus, qui in extremo apicem elasticum teneat. Fistulae e spuma maris confectae dum recentes sunt, in oleo coctae, vertiginem nauseam, pectoris affectiones provocant. Omnibus tamen fistulis sic dictae hollandicae, argilla optima constantes, palmam praeripiunt. —

*Quod fumationem cylindrorum seu sic dictorum — Cigarro — attinet.* Horum usus est adhuc magis limitandus, ac is



fistularum hic enim utriusque generis mala utpote: *fumatio-  
nis masticationis* conjuncta occurrunt, in cigarro ex apice  
duro corneo etc. fumigetur, fumus calidior in cavum oris  
pervenit, ac ex fistula longa denique oculi ob fumi majore-  
rem vicinitatem multo plus patiuntur, quod quilibet in se  
ipso quotidie experiri potest. Habita insuper ratione modi  
praeparationis cylindrorum (cum praetendant, cigarro. Ha-  
vannae a mancipiis confici, videlicet nicotianam in eorum  
femoribus, frequentissime malignis ulceribus obsessis, con-  
volvi, et omnem in casum saliva fabricatoris plus minus hu-  
mectari) si memoremus notabile pecuniae dispendium, quo  
hanc libidinem fovant, certe miramur quomodo haec materia  
luxuriae per tot discrimina rerum de die in diem adhuc magis in-  
gravescat, atque ex splendido palatio ad pauperum tabernas  
fracto et remoto omni impedimento migraverit. Videtur mos  
hic perniciosus cum potibus Spirituosis parem passum tene-  
re, unumque vitium alteri amicas praebuisse manus.

Cum commercio — *Cigarro* — variae adhuc fraudes exer-  
centur. Praescidendo a fraudulenta alterius speciei vilioris  
substitutione, adhuc memorare convenit quod fabricatores  
cylindrorum eo imprimis intenti sint, ut cigarro suo pul-  
chram concilient formam, et colorem, ideo solum externum  
internam vilissimam et corruptam nicotianae speciem obte-  
cens, melioris eligunt qualitatis. Haec fraus facile inno-  
tescit, si cigarro in parenchymate disquiratur.

Si itaque verba mea ad consuetudinem fumatorum in-  
veteratorum mutandam parum valuerint, adminus juvenus  
in frangendas, exuendasque consuetudines sibi magis potens,  
dieta mea attentioribus excipiat auribus, fumoque huic fuco  
venenato, evolutionem physiciam et psychicam restringenti  
facultates mentis obfuscanți, oculorum aciem hebetanti  
valedicat. —

---

## T H E S E S.

---

1. Purgantium actio se habet ad intestina, sicuti emeticorum ad ventriculum. —
  2. Non qua salacior femina eo foecundior.
  3. In multis morbis non medicina sed medicus sanat.
  4. Omne systema absit a medicina, sed sine philosophia nemo medicus.
  5. Nihil magis obstat praxi medicae, quam inobedientia aegrorum, diversitas theoriarum, et discordia collegarum. —
  6. Scientia medica a tempore Hipocratis ingentes fecit progressus, an in arte pari passu processerit, sub iudice est lis.
  7. Natura sanat, medicus curat, hinc multi sanantur male curati.
  8. Medici sola theoria abrepti morbos construunt, aegros vero destruunt. —
  9. Medicum multa scire, plurima audire, paucal oqui oportet. —
  10. In aqua frigida universalem quaerere medicinam summe erroneum est.
  11. Fumatio brevi post pastum eo digestionem adjuvat, quod secretionem salivae promovet. —
-